



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

29 ապրիլի 2020 թվականի №155Ա  
քաղ. Երևան

**ԱՆՀԱՏ ՁԵՌՆԱՐԿԱՏԵՐ ՍԱՐԳԻՍ ՎԱՐԴԱՆԻ ԳՐԻԳՈՐՅԱՆԻ ԿՈՂՄԻՑ ԱՌԱՆՑ  
ԹՈՒՅԼՏՎՈՒԹՅԱՆ ՌԱԴԻՈՀԱՃԱԽԱԿԱՆՈՒԹՅԱՆ ՕԳՏԱԳՈՐԾՈՒՄԸ  
ԴԱԴԱՐԵՑՆԵԼՈՒ ՄԱՍԻՆ**

Հաշվի առնելով՝

ա) Հայաստանի Հանրապետության բարձր տեխնոլոգիական արդյունաբերության նախարարության 2019 թվականի սեպտեմբերի 18-ի №05/11.1/10294-2019, հոկտեմբերի 25-ի №03/11.1/11326-2019, դեկտեմբերի 10-ի №03/11.1/12264-2019 և 2020 թվականի մարտի 24-ի №03/11.1/1729-2020 գրություններով ներկայացված տեղեկություններն այն մասին, որ անհատ ձեռնարկատեր Սարգիս Վարդանի Գրիգորյանն առանց թույլտվության օգտագործում է 156.225 ՄՀց ռադիոհաճախականությունը,

բ) վերոնշյալ №05/11.1/10294-2019 գրությամբ ներկայացված՝ «Հեռահաղորդակցության հանրապետական կենտրոն» պետական ոչ առևտրային կազմակերպության 2019 թվականի հուլիսի 29-ի՝ առանց թույլտվության ռադիոհաճախականության օգտագործման հետազոտությունների արդյունքների №0502 ակտը, որը անհատ ձեռնարկատեր Սարգիս Վարդանի Գրիգորյանը հրաժարվել է ստորագրել,

գ) որ Հայաստանի Հանրապետության հանրային ծառայությունները կարգավորող հանձնաժողովի 2020 թվականի մարտի 26-ի №ՍՇ/34.2-Մ2-9/1111-20 գրությամբ անհատ ձեռնարկատեր Սարգիս Վարդանի Գրիգորյանը ծանուցվել է առանց թույլտվության բազային ռադիոկայանի շահագործման վերաբերյալ,

և հիմք ընդունելով «Էլեկտրոնային հաղորդակցության մասին» օրենքի 1-ին հոդվածի 1-ին մասի 8-րդ կետը, 5-րդ հոդվածի 1-ին մասի 2-րդ կետի «ժդ» ենթակետը, 3-րդ կետի «ե» ենթակետը և 60-րդ հոդվածը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Անհատ ձեռնարկատեր Սարգիս Վարդանի Գրիգորյանին՝ սույն որոշումն ուժի մեջ մտնելու պահից դադարեցնել առանց թույլտվության 156.225ՄՀց ռադիոհաճախականության օգտագործումը և այդ մասին եռօրյա ժամկետում տեղեկացնել Հայաստանի Հանրապետության հանրային ծառայությունները կարգավորող հանձնաժողովին:
2. Ընդունել ի գիտություն, որ անհատ ձեռնարկատեր Սարգիս Վարդանի Գրիգորյանն իրավասու է.
  - 1) սույն որոշման հրապարակումից հետո երեսնօրյա ժամկետում միջնորդել Հայաստանի Հանրապետության հանրային ծառայությունները կարգավորող հանձնաժողովին՝ վերանայելու այն.
  - 2) սույն որոշումն ուժի մեջ մտնելու պահից երկամսյա ժամկետում այն բողոքարկել Հայաստանի Հանրապետության վարչական դատարան:
3. Սույն որոշումն ուժի մեջ է մտնում անհատ ձեռնարկատեր Սարգիս Վարդանի Գրիգորյանին օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝**

ք. Երևան  
29 ապրիլի 2020թ.



**Գ. ԲԱՂՐԱՄՅԱՆ**